

# Alkitab Sagan Kakanakan Mengenal akan

## Yunus lawan Iwak Ganal



Panulis: Edward Hughes

Nang manggambar: Jonathan Hay  
Alastair Paterson

Nang manyusun: Mary-Anne S.

Nang mangartikan: Lega Pitanatal Amiani;  
Nadya Cristine Armelia br. Tumorang

Nang mamproduksi: Bible for Children  
[www.M1914.org](http://www.M1914.org)

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,  
sapanjang kada hagan di juali lagi.



Pas jaman bahari kala, di Israel ada saurang lakian bangaran Yunus. Suatu hari, Tuhan bafirman lawan inya hagan tulak ka Niniwe, suatu kuta nang ganal lawan paling rami di dunia


pas  
rahat  
ngintu.




Yunus harus mamparingati urang-urang di sana pada Tuhan tahu kayapa badusanya buhannya.



Tapi Yunus kada mamatuhi parintah Tuhan! Bukannya tulak ka Niniwe, inya malah malariakan diri manumpang sabuah kapal ka arah nang manjauhi Niniwe manuju ka suatu wadah nang disambat Tarsus.



Tuhan lalu mangirim angin taufan lawan badai ka lautan. Buhan awak kapal di atas kapal nang dinaiki Yunus manjadi takutan, luku-luku kapal pacangan hancur lawan tanggalam.



Badai lawan angin semakin bertambah ganas lawan kancang. Ulih takutan buhan awak kapal mulai badua kadiwa-diwa buhannya lawan mambuang sabarataan barang-barang matan atas kapal hagan maringanakan kapal. Tapi kada barhasil maradaakan badai.




Yunus sabuting-butingnya panumpang di atas kapal nang kada badua. Inya malahan guring di dek paling bawah dalam kapal. Nahkuda kapal datang manamuinya. "Ey ... napa nang kau lakuakan? Guring? Ayu bangun..! Badualah ka Tuhan ikam! Mungkin Tuhan pacangan mangasihi kita, sahingga kita kada pacangan binasa."







Buhan awak kapal mulai manuduh Yunus sabagai panyabab kapal buhannya disarang badai. Yunus mambaritahu buhannya pada dasar inya bukah matan paritah Tuhan.



Buhannya batakun, "amun kaitu, napa nang harus buhannya lakukan tarhadap inya hagan maradaakan badai ngintu?" Jawab Yunus, "Angkatlah aku lawan buang ka laut! Ulih ... aku". Yakin badai ngini tajadi ulih kasalahan buhannya.



Buhan awak kapal kada handak manimbai Yunus ka laut. Lalu buhannya mandayung sakuat tanaga hagan mangarahakan kapal ka arah daratan. Tapi buhannya kada mampu. Sabuting haja nang kawa buhannya lakukan.



Imbah badua mamuhun  
pangampunan,  
buan awak  
kapal  
maangkat  
Yunus ka atas  
lawan mambuangnya ka laut.  
Lakas imbah Yunus ditalan  
galumbang, tiba-tiba  
lautan jadi tanang  
lawan badai ampih.



Parubahan cuaca nang tiba-tiba maulah  
takut buhan awak kapal, lebih  
manakutkan  
daripada  
badai nang  
hanayar  
haja balalu.

Buhannya manyadari pada  
Tuhan haja nang sanggup  
malakuakan ngintu. Dalam  
katakutan lawan takjub,  
buhannya  
mamuji-muji  
Tuhan.




Samantara ngintu, si utusan  
(Yunus) nang kada manaati  
parintah Tuhan  
mangalami suatu  
kajutan ganal.  
Kada badaya  
tanggalam di  
kadalaman lautan,  
Yunus sadar pada  
kada ada nang  
kawa manulingi inya.  
Inya pacangan mati  
tanggalam, tapi Tuhan baisi  
rancana-rancana lain hagannya.



Tuhan sudah menyiapkan sabuting iwak ganal hagan managuk Yunus. Iwak ganal datang pas waktunya! Lawan dalam sakali sambaran, Yunus ditaguk lawan masuk ka dalam parut iwak ganal ngintu. Yunus badiam dalam parut iwak salawas talu hari. Inya baisi banyak waktu hagan maranungakan lawan badua.



Imbah talu hari, Yunus bajanji hagan mamatuhi parintah Tuhan. Imbah ngintu Tuhanmamarintah iwak ganal, hagan mamuntahakan Yunus di tapi pantai.





Sakali lagi, Tuhan mamarintahakan Yunus hagan tulak ka Niniwe lawan mangajarakan firman Tuhan. Kali ngini, Yunus patuh lawan tulak ka Niniwe. Yunus sampai di kuta Niniwe lawan mangabarakan, "Pada dalam ampat puluh hari, Niniwe pacangan ditaklukakan."



Panduduk Niniwe parcaya tahadap paringatan  
matan Tuhan. Buhannya bapuasawan lawan pakai pakaian  
barkabung hagan mamuhun ampun atas dusa-dusa  
buhannya ka Tuhan. Raja buhannya jua marandahakan  
diri di hadapan Tuhan. Inya maninggalakan  
mahkutanya, mamakai pakaian bakabung lawan  
duduk dalam abu. Raja  
mamarintahakan satiap  
urang hagan babalik  
matan kakarasan, lawan  
dusa-dusa buhannya

lawan badua ulih  
Tuhan pacangan  
mangampuni  
buhannya.



Tuhan bujur-bujur mangampuni buhannya! Ngintulah hari paling manakjubakan lawan hibak sukacita di

Niniwe pas urang-urang manyadari pada Tuhan sudah mangampuni

dusa-dusa buhannya.

...Tapia da sabuting

urang nang sarik



banar.  
Yunus!





Kanapa Yunus sarik?  
Inya baucap ka Tuhan,  
"Aku tahu pada Ikam  
adalah Tuhan, hibak lawan  
kabaikan." Lawan kata  
lain, Yunus manyadari  
pada Tuhan mangampuni  
tarus urang-urang nang  
mamuhun ampun atas  
dusa-dusa buhannya lawan  
mamatuhi Firman Tuhan.  
Kalihatannya Yunus kada  
sanang amun Tuhan  
mangampuni  
panduduk Niniwe.



Yunus jadi sarik banar ka Tuhan sambil baucap,  
"Ambillah hidupku; ulih kamatian labih baik haganku  
daripada kahidupan."



Yunus duduk di luar kuta  
sambil manunggu napa nang  
pacangan Tuhan lakuakan  
imbah ngintu. Tuhan sudah  
manyiapakan suatu tumbuhan  
lawan daun-daun nang ganal.  
Tumbuhan ngintu tumbuh lakas  
banar, lawan manaungakan  
Yunus matan panas matahari  
sapanjang hari.



Kaisukan harinya, subuh-subuh, Tuhan mangirim ulat nang mamusnahakan tanaman ngintu. Imbah ngintu Tuhan mandatangakan angin kancang lawan panas nang mahantam Yunus sahingga Yunus bapikir pada inya pacangan mati. Sabarataan ngini maulah Yunus samakin batambah sarik.



Imbah ngintu Tuhan bapandir ka Yunus,  
"Apakah ikam baisi hak hagan sarik?  
Ikam kada paduli lawan puhun  
anggur nang kada ikam tanam  
lawan kada ikam tumbuhkan.  
Ngintu ada dalam

samalam lawan  
mati dalam  
samalam.





Kanapa aku kada bulih malihatiakan kasarikanku ka Niniwe, kuta ganal lawan ribuan panduduknya?"



# Yunus lawan Iwak Ganal

Sabuting kisah matan Firman Tuhan, Alkitab

Taulih dalam

Yunus

"Amun tabuka, firman-firmanPian mambari pamahaman." Mazmur 119:130



Tuntung



Kisah Alkitab ni memadah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan  
satiap hari! Yohanes 3:19

